

Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctéque
obeundi**

Dirckinck, Johann

Coloniæ, 1690

V. Et Misericordia ejus à progenie in progenies, timentibus eum.

[urn:nbn:de:hbz:466:1-50863](#)

lavit, fide illustravit, charitate accendit, e-
pulo cœlesti toties me pavit: ad sacerdo-
tium regale, aliósq; per Sacra menta san-
ctificandos me evexit: Laudabo igitur
eum qui potens est & sanctum nomen
ejus, cum quatuor Sanctis Animalibus
concinens: Sanctus, Sanctus, Sanctus Do-
minus Deus omnipotens, qui erat, qui est,
& qui venturus est. Apoc. 4. 8.

V. Et Misericordia ejus à progenie in
progenies, timentibus eum.

Meritò amplius magnificat anima mea
te Domine, & spiritus meus in te Deo sa-
lutari meo exultat: quia misericordia tua
non mihi tantum exhibita est, verùm et-
iam tot Electorum milibus, ex omnibus
tribubus, populis & linguis, omnibusque
nationibus, quæ sub cœlo sunt, quibus ex-
ortus Sol justitiae lucis fidei & gratiae ra-
dios diffundit, diffundetq; usque ad con-
summationem seculi, à progenie in pro-
genies, obsequentibus & timentibus eum.

VI. Fecit potentiam in brachio suo.

Virtutem suam ostendendo, non solum
in mundi creatione, gubernatione, pro-
digiosa populi Israëlitici ex Ægypto edu-
catione